

folymæ creatus fuit. Huic successit *Balduinus*, *Balduino Eustathius*. Postea tradidit Henricus quintus Cæsar ducatum *Gulielmo* Comiti *Lovaniensi* a quo Lotaringici procreati Principes *Theodoricus*, *Theobaldus*, *Fridericus*, & reliqui, usque ad *Carolus* ultimus, a quo devolutus est Ducatus ad *Fridericum* Comitem *Vadimonium*, authorem stirpis Ducum, qui nunc Lotaringiam tenent. Eam Mercator duabus Tabulis luculenter exhibet, quarum altera partem Septentrionalem, altera Meridionalem depingit. Habitarunt olim Lotaringiam, quæ nobis præ manibus *Mediomatrices* & *Leuci Mediomatrices* Cæsari lib. iv, Tacito, Plinio, Straboni & Ptolemæo: *Mediomatrici* etiam Cæsari lib. vii, quorum Metropolis *Divodurum*, hodie *Metz* appellatur. *Civitas Mediomatricum*, hoc est *Metis* Notitiæ Provinciarum sub Belgica i: l'Évêché de Metz, le Pais Messin. *Leuci* Cæs. lib. i, Lucano lib. i & Plinio *Liberos* cognominanti: *Leuci* etiam Ptolemæo, qui Metropoli ipsorum facit *Tullum*. Sic in notitia Provinciarum sub Belgica i, *Civitas Leucorum*, hoc est *Tullum*, l'Évêché de Toul; *Tullum* item *Leucor*. novit Antonini Itinerarium. Sunt etiam qui *Tulingos* Cæsaris ad Lotaringiam referunt. Metropolis *Lotaringia* est *Nanceium*, vulgo *Nancy*: Opidum non amplum, sed Situ pulcro commodoque, loco plano, forma quadrata, magnifico Lotaringicorum Ducum Palatio nobile. *Nancei* *Mænia* lambit *Murta*, qui tribus inde milliariibus paullo supra Arcem Candeï *Mosellam* intrat. Putant *Petrus Divæus* aliique *Nanceium* hodie esse, quod *Nasum* Ptol. *Nasum* Antonino in Itinere, quod *Durocoro* ducit *Divodurum*. Sed si quis penitus Itineris istius rationem consideret: facile deprehendet Antonini *Nasum* incidere non posse in locum illum, ubi hodie *Nanceium*: adeo ut *Nasum* illud sit, non quod nunc *Nanceium* dicimus, sed pagus x i i inde milliariibus disitis non procul ab *Mosa* in *Barroducana* Provincia, qui vulgo *Nas* dictus, unde *Nasensis*, in Lapide ibi effosso. Certe *Nasum* illud amplissimam aliquando Urbem fuisse, satis patet ex Ruderibus: quod etiam testatur apud Ortelium *Clemens Trelæus Mosellanus*. *Nanceium* dignitate sequitur *Fanum S. Nicolai*, vulgo *S. Nicolas*, duobus inde distans versus Orientem milliariibus ad *Murtam* fluvium, loco plano & fertili. Hic locus advenarum frequentia in eam excrevit amplitudinem, ut jam non Pagum, sed Urbem, & quidem totius Lotaringiæ cultissimam, quis posset dicere, si muro clauderetur: ea est *Ædificiorum* venustate, apta Viarum dispositione, Incolarum multitudine, ut nihil requiri queat: sed op Mercaturam præcipue, & omnis generis opificia commendatur: Mercatores habens perquam opulentos, Vicinis suis ditiores. Alia minorum gentium opida, ne Lectori tædium pariam, prætereo, Vno distat milliari *Nanceio* *Fruart*: tribus *Ormes*: paullo amplius *Bayon* & *Luneville*: quatuor le Pont a *Monson* & *Gerleviller*: quinque *Charmes*: sex *Chastenoy*, *Morbanges* & *Vancœur*: paullo plus, *Maxen sous Bresse*: septem, *Dompierre*, *Deneuvre*, *Hodon Chateau*: octo, *Ramberville*, *Raon*, *Bellefontaine*, *Neuff. Chateau*, *Mugstad*, *Marchain. Ville*: novem, *Espinal*, *Bruyeres*, *Darney*: decem, *Ormont*, *Walderfing*, *Beaurains*: tredecim. *Vaigny*: quatuordecim, l'Esfraye. Comitatus titulo & dignitate clarent, quæ vernacule *Vandemont*, quinque *Nanceio* milliariibus. *Chaligny* ad dextram *Mosellæ*, leuca semi *Nanceio*. *Amance* septem milliariibus ab *Mediomotri-*
cum urbe versus Meridiem: *Almentia* Latine scribentibus: *Scrinium* olim & antiqua Lotaringiæ Cancellaria, testan-